

MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD

(Incorporated in Malaysia – Company No. 524989-M)

Berita Harian – Bisnes – 21 April, 2014 (A)

AGM Kian Joo bangkit isu kontroversi



→
**RITA BENOY
BUSHON**

» **Pemegang saham tak gembira cadangan ambil alih Aspire Insight**

Mesyuarat agung tahunan (AGM) Kian Joo Can Factory Bhd yang turut dihadiri wakil Badan Pengawas Pemegang Saham Minoriti Bhd (MSWG) telah berlangsung selama lima jam.

Walaupun ia AGM, isu utama yang dibangkitkan pemegang saham minoriti adalah berkaitan dengan cadangan pengambilalihan Kian Joo oleh Aspire Insight Sdn Bhd.

Perkara itu menimbulkan beberapa isu kontroversi seperti masalah berkaitan pengarah syarikat, pemegang saham dan sama ada mereka boleh mengundi.

Tambahan pula, ramai pemegang saham kelihatan tidak gembira dengan cadangan pengambilalihan itu memandangkan mereka terpaksa keluar daripada sebuah syarikat senarai awam yang baik pada harga tawaran dianggap rendah melalui kaedah pengambilalihan secara pelupusan aset dan liabiliti.

Pengambilalihan Kian Joo

akan dimuktamadkan pada mesyuarat agung luar biasa (EGM) yang diadakan pada bulan hadapan.

Pengasas diundi keluar

Untuk makluman, dalam EGM itu, pengarah syarikat yang juga pengasas syarikat iaitu dari keluarga See telah diundi keluar.

Dalam hal berkaitan, seorang lagi ahli keluarga pengasas juga telah diundi keluar sehari sebelumnya dalam mesyuarat agung Box-Pak (Malaysia) Bhd yang juga anak syarikat Kian Joo.

Antara berita lain yang menarik perhatian kami adalah penutupan University Antarabangsa Albukhary.

Penutupan universiti

Walaupun kami menyokong konsep pendidikan berkualiti dan percuma bagi mereka yang kurang berkemampuan, kami sudah membangkitkan keimbangan mengenai isu pembiayaan universiti itu pada tahun 2010



AirAsia **bersetuju untuk berpindah ke klia2 sebelum 9 Mei.**

dan 2011.

Kami berpendapat beberapa syarikat tersenarai telah membayai dana bagi universiti itu tanpa kelulusan pemegang saham minoriti mereka.

Tambahan pula penzahiran polisi tanggungjawab sosial korporat (CSR) tidak jelas. Selain itu, jumlah dana yang disumbangkan juga dilihat sebagai satu jumlah yang agak besar.

Berita penutupan universiti itu pada Jun ini menggambarkan sumbangan dana yang agak besar daripada syarikat itu telah disiasakan.

Persoalan yang timbul adakah syarikat senaraian awam yang menyumbangkan dana itu menilai pelan dan model kemam-

panan jangka panjang universiti berkenaan.

Menyentuh hal yang berlainan, kami juga maklum bahawa AirAsia bersetuju berpindah ke klia2 sebelum 9 Mei, setelah mendapatkan keputusan Organisasi Penerbangan Sivil Antarabangsa (ICAO) mengenai penilaian tahap keselamatan terminal baru itu.

Kami berharap tidak terlalu banyak isu permulaan yang akan timbul berhubung perpindahan itu dan sebarang pertikaian yang masih wujud dapat diselesaikan dengan segera.

Penulis
ialah Ketua Eksekutif Badan Pengawas Pemegang Saham Minoriti Bhd (MSWG)